



Velferðarsvið Reykjavíkurborgar, kt. 530269-7609, Borgartúni 12-14, Reykjavík, í samningi þessum nefndur styrkveitandi og Hjalpræðisherinn á Íslandi, kt. 620169-1539, Suðurlandsbraut 72, 108 Reykjavík, í samningi þessum nefndur styrkþegi gera með sér svohljóðandi

**S A M N I N G**  
**á grundvelli styrkveitingar**  
**um Samskonar verkefnið**

**1. gr.**  
**Gildissvið**

Samningurinn tekur til sértækra þjónustuverkefna sem styrkþegi innir af hendi vegna málefna jaðarsettra einstaklinga í Reykjavík og eru byggð á stefnu styrkþega um að skapa samfélag þar sem fólk finnur að það tilheyrir samfélagi þar sem kraftar þess skipta máli.

**2. gr.**  
**Markmið**

Markmið með þessum samningi er að koma til móts við grunnþarfir fólks með því að veita þeim mat, hreinlætisaðstöðu, hreinan fatnað og félagsskap. Jafnframt að veita fólki tækifæri til að undirbúa sig fyrir störf á vinnumarkaði með því að bjóða þeim tækifæri til virkni m.a. með sjálfbóðaliðastörfum.

**3. gr.**  
**Lagagrundvöllur**

Þjónustan sem samið er um grundvallast á lögum nr. 40/1991 um félagsþjónustu sveitarfélaga með síðari breytingum.

Samningur þessi grundvallast á styrkveitingu velferðarráðs sem samþykkt var á fundi ráðsins þann 2. febrúar 2022, sbr. reglur um styrkjaúthlutun velferðarráðs sem samþykktar voru á fundi velferðarráðs þann 13. september 2006 og á fundi borgarráðs þann 21. september 2006 með síðari breytingum.

Þjónusta sem styrkþegi tekur að sér að veita samkvæmt samningi þessum, skal unnin samkvæmt gildandi mannréttindastefnu Reykjavíkurborgar.

**4. gr.**  
**Skilgreining á þjónustu sem samið er um**

Þjónustan sem samið er um er eftirfarandi:

- Kaffihúsi fyrir alla hópa samfélagsins þar sem jaðarsettum einstaklingum verður boðið uppá heimilismat í hádeginu þeim að kostnaðarlausu. Á árinu 2021 sóttu

615 einstaklingar með skráða kennitölu um að fá ókeypis máltíðir. Áætluð upphæð 13.5 mkr.

- Tilboð um þátttöku í virkni gegnum sjálfbóðaliðastörf s.s. í eldhúsi, í framleiðslu og annarri þjónustu í húsinu. Áætluð upphæð 1 mkr.
- Félagsleg virkni s.s. spilakvöld, hreyfing. Áætluð upphæð 500.000 kr.

• **5. gr.**

**Fjárhæðir og greiðslutilhögun**

Styrkveitandi greiðir heildarupphæðina eða 15.000.000 kr. (fimmtán milljónir) í þremur jöfnum greiðslum, í maí 2022, ágúst og nóvember 2022.

Styrkþegi ber alla faglega og rekstrarlega ábyrgð á framangreindri starfsemi og fjárhagsskuldbindingar félagsins eru styrkveitanda óviðkomandi.

**6. gr.**

**Samráð**

Aðilar geta óskað eftir stöðufundi um verkefnið ef þurfa þykir.

**7. gr.**

**Skýrslur, eftirlit og árangur**

Lokaskýrslu skal skila við lok samningstíma þar sem fram kemur heildarfjöldi þeirra sem hafa fengið þjónustu samkvæmt samningi þessum, þar sem m.a. kemur fram umfang, framkvæmd og fjöldi þeirra sem nýta sér opið hús. Getið skal um hlutfall Reykvíkinga sem sótt hafa þjónustu og skulu upplýsingar um fjölda þjónustuþega vera kyngreindar.

Styrkþegi skal eigi síðar en 1. maí ár hvert skila styrkveitanda ársreikningi. Ársreikningur skal innihalda sundurliðað rekstraryfirlit, þar sem kostnaður við framkvæmd samnings er aðgreindur frá öðrum kostnaði hjá styrkþega.

Eftirlit með framkvæmd þjónustunnar er í formi fyrrnefndra upplýsinga um þjónustuverkefni og með stöðufundum styrkþega og styrkveitanda samkvæmt ákvæðum 6. gr. samnings þessa. Eins er styrkveitanda heimilt að gera úttekt á starfsemi styrkþega hvenær sem er á samningstímanum, hvort heldur er sjálfur, eða fá til þess óháðan aðila. Úttekt miðar að því að kanna aðbúnað þjónustuþega á samningstímanum sem og hvernig þjónustusali heldur skilmála samningsins.

**8. gr.**

**Kynningarmál**

Styrkþegi skal ávallt birta merki Reykjavíkurborgar í kynningarefni og láta þess getið að verkefnið hafi hlotið styrk úr sjóðnum.

**9. gr.**

**Þagnarskylda og meðferð upplýsinga**

Varðveita skal með tryggilegum hætti þau gögn er varða persónulega hagi einstaklinga þannig að óviðkomandi aðilar fái þar ekki aðgang. Styrkþegi og starfsmenn hans eru bundnir þagnarskylda um málefni einstaklinga í samræmi við gildandi lagaákvæði þar að lútandi.

Þagnarskylda helst þó svo að samningi milli aðila ljúki og einnig ef starfsmenn styrkþega láta af störfum.

Við störf sín skuldbindur styrkþegi sig til að hlíta skilyrðum varðandi vernd persónuupplýsinga í samræmi við lög og reglur þar að lútandi.

**10. gr.**  
**Vanefndir og riftun**

Verði uppi ágreiningur milli samningsaðila um efni samnings þessa og/eða telji aðilar samninginn vanefndan af hálfu gagnaðila, skulu styrkþegi og styrkveitandi leitast við að jafna ágreining sinn.

Ef um verulegar vanefndir á efni samnings þessa er að ræða geta aðilar rift honum fyrirvaralaust. Vanefnd samnings ber þó ávallt að tilkynna gagnaðila með sannanlegum hætti og gefa honum kost á að bæta úr.

Ef styrkur til styrkþega er notaður í öðrum tilgangi en samkvæmt samningi þessum eða á þann hátt að gengur í berhögg við markmið og stefnu Reykjavíkurborgar áskilur styrkveitandi sér rétt til að rifta samningum og/eða krefjast endurgreiðslu framlagsins að hluta eða að öllu leyti þegar í stað. Við endurgreiðsluna bætast hæstu löglegu dráttarvextir Seðlabanka Íslands hverju sinni frá og með þeim degi að liðinn er mánuður frá því að krafa um endurgreiðslu var gerð.

**11. gr.**  
**Starfsmenn**

Styrkþegi skuldbindur sig til að hlíta ákvæðum laga nr. 46/1980 um aðbúnað, hollustuhætti og öryggi á vinnustöðum hvað varðar starfsmenn sína og aðra er koma að framkvæmd þjónustu.

**12. gr.**  
**Ágreiningsmál**

Rísi mál út af samningi þessum má bera slíkan ágreining undir Héraðsdóm Reykjavíkur.

**13. gr.**  
**Framsal samnings til þriðja aðila**

Samningsaðila er óheimilt að framselja samning þennan til þriðja aðila.

**14. gr.**  
**Breytingar á samningi**

Samningi þessum verður ekki breytt nema með skriflegu samkomulagi aðila.

**15. gr.**  
**Gildistími**

Samningurinn er tímabundinn og gildir til frá 1. janúar 2022 - 31. desember 2024.

Samningur þessi er gerður í tveimur eintökum og heldur hvor aðili sínu eintaki.

Reykjavík 13. maí 2022

f.h. velferðarsviðs Reykjavíkurborgar

f.h. Hjálpræðishersins á Íslandi

---

Regína Ásvaldsdóttir,  
skrifstofustjóri

---

Hjördís Kristinsdóttir,  
svæðisforingi